

membuat sesuatu peraturan bahawa perceraian itu mestilah dipandang sah tetapi bagi pihak suami yang menceraikan isterinya hendaklah dipertanggungjawabkan ke atasnya tanggungan-tanggungan atas perbuatan menceraikan isterinya dengan perbelanjaan isterinya seperti nafkah iddah, nafkah anak yang dipelihara oleh isterinya sehingga anak itu akil baligh dan seumpamanya yang jika tidak dibayar oleh suami mestilah dihukum penjara atau seumpamanya.

Peraturan ini tentulah tidak dibantah dan tentu akan dipersetujui tetapi kalau merampas hak talak yang diberi oleh Tuhan ke atas lelaki daripada tangan lelaki dan talak tidak boleh digugurkan melainkan dengan persetujuan isteri maka ini tentulah tidak akan mendapat keredhaan daripada umat Islam. Jika ini diperundang-undangkan sudah tentu umat Islam memandang bahawa peraturan ini adalah melanggar syarak.

Demikian juga halnya atas kahwin lebih daripada satu yang meminta persetujuan isteri yang pertama seperti yang dijalankan di Selangor dan Singapura itu sudah terang melanggar kelulusan yang diberi oleh syarak dan sudah boleh menghidupkan zina. Sepanjang yang disampaikan telah pernah terjadi, kerana keengganan Jabatan Mahkamah Syariah untuk mengkahwinkan seseorang beristeri kedua, maka ia telah bersatu dengan perempuan yang hendak dikahwininya sehingga hamil – dan kerana terpaksa lalulah mencari kadi di lain negeri untuk menikahkan mereka yang telah bersatu dengan suka sama suka itu.

Persoalan ini kalau dikupas panjang tetapi memadalah kita berharap, dan umat Islam berharap jika Majlis Raja-raja Melayu hendak membuat sesuatu peraturan di dalam perkara ini mestilah perkara itu tidak bertentangan dengan syarak. Sebaliknya sebelum perkara itu

dibuat fikiran ramai, terutama alim ulama yang di luar daripada pegawai-pegawai agama di minta memberi fikiran supaya jangan kelak menjadi tafsir yang boleh menimbulkan tuduhan bahawa kerajaan menjalankan hukum yang berlawanan dengan hukum Islam.

\* \* \*

### **Sebelumnya, Mustahak Dibantah**


Menurut suatu berita yang tersiar baharu-baharu ini kerajaan Pakistan telah membantah dengan keras kepada kerajaan Itali atas ura-ura mereka hendak memilemkan gambar Nabi Muhammad *sallā Allāhu 'alayhi wa sallam*.

Sebagaimana diketahui bahawa agama Islam ditegah menggambar Nabinya dengan berupa gambar sebab kelak akan ditakuti untuk menjadikan persembahan dan seumpamanya sedang Rasulullah *sallā Allāhu 'alayhi wa sallam* itu adalah makhluk Allah, manusia yang hidup, berkehendak kepada hidup seperti manusia lainnya – keutamaan baginda Rasulullah hanyalah kerana dijadikan Rasulullah untuk memberi pertunjuk kepada manusia dan menyampaikan firman Allah, al-Qur'ān, sebagai kitab yang akhir daripada Allah.

Dengan kerana itu maka perbuatan kerajaan Pakistan membantah orang-orang Itali memilemkan filem Nabi Muhammad itu sudah pada tempatnya dan patut dipuji kerana telah mempelopori suatu perkara yang wajib ditegakkan oleh tiap-tiap umat Islam.

Kerajaan Persekutuan Tanah Melayu, yang agama rasminya, agama Islam patutlah menerbitkan pula bantahan itu, demikian juga pertubuhan-pertubuhan Islam Singapura sepatutnya menuntut kerajaan memberi ingat kepada kerajaan Itali dalam

(sambungan pada muka 21)



Gambar perhiasan antara pelajar-pelajar Madrasah al-Khayriyyah al-Islamiyyah Pokok Sena Kepala Batas, dengan gurunya.

Untuk perkenalan: Di tengah-tengah ialah Guru Besar manakala yang lain di baris hadapan ialah guru-guru bagi Madrasah

yang tersebut dan di barisan belakang berdiri ialah pelajar-pelajar yang telah tamat pelajarannya tahun 1961 dan

kebanyakannya sekarang sedang berkhidmat di utara Malaya. Bertanda pangkat ialah anggota Ikhwan 1400.

Kiriman H.S. Umar anggota Ikhwan 1400.

---

---

(sambungan dari muka 6)

tidak diingini itu dilakukan ada lebih baik supaya

hal ini. Kita percaya sekiranya langkahannya memilemkan

kerajaan Itali berfikir dua kali untuk menghinakan

itu diteruskan oleh kerajaan Itali maka seluruh

umat Islam. Kalau dibuatnya setelah dibantah maka kerajaan-kerajaan

dunia Islam akan bangkit menentangnya dan harus

yang ada umat Islam di dalamnya lepaslah taksir mereka di atas

di Singapura ini pun tidak sunyi bantahan dibuat.

perbuatan itu. Mudah-mudahan kesedaran timbul di dalam

Oleh itu bantahan sebelum terjadi hal-hal yang

perkara ini – Amin.